

(Civil Jurisdiction)

Between: Hellen Josorileo

Claimant

And: Brownly Augustus

Defendant

Matter: Payment of debt and diving mask in the sum of VT 3500 plus Court fee VT 750.

Coram: Justice Hollen Sack
Justice James Edward
Justice Leo Pantutun

Clerk: Fredington Aru

Decision


Kot ibin sitaon long Lotawan village long aelan blong Mota blong lukluk long case we Ms Hellen Josorileo hemi bin faelem agensem defendant Brownly Augustus.

Long klem blong plentiff hemi talem se defendan Brownly Augustus hemi bin tekem ol goods long store blong hem be I no mekem effort blong pemaot kaon blong hem we total amaon blong hem hemi 3,500 vatu.

Plentif I klem tu se defendan Brownly hemi tekem mo hidem diving glass blong hem we sam man oli bin livim long haos blong wan man nem blong hem Silva after we oli bin ko dive long solwota. Diving glass hemi ko missing mo plentif hemi klem se defendant Brownly nao I tekem glass ia mo se hemi mas pem long wan amaon blong 1,500 vatu.

Ms Hellen hemi stap apply mo askem long kot blong I orda blong Brownly I mas pem diving glass we I bin lus.

Long kot, defendan Brownly I testify se hemi pemaot kaon hidi hem be hemi no pem diving glass from hemi no tekem glass ia we ol man blong dive ko livim long haos blong Silva.



Long kwesten blong kot iko long Hellen se hao nao hemi save se defendan Brownny I tekem glass, Hellen I ansa se hemi no lukim be hemi ting se defendan Brownny I tekem glass ia.

Ol findings blong kot:

1. Defendan Brownny I pemaot kaon blong ol goods we hemi tekem long store blong Hellen.
2. Hellen hemi nogat evidence se defendan Brownny I tekem glass blong hem.

Afta we kot I harem tugeta patis, hemi proceed on blong judgem kes:

Ordas:

Court istap orda se:

1. Case hemi dismissed and case file I mas be closed
2. Follem section 22(1) blong Island Courts Act Cap 167, any party we ino hapi long decision ia igat raet blong mekem apil iko long Magistrates Court insaet long 30 day start long taem kot I givim orda ia.

Dated long Lotawan, Mota long namba 01 Decemba 2011.

Phen. Sack. H

Jastis Hollen Sack

J. James Edward

Jastis James Edward

LEO

Jastis Leo Pantutun

